



KEMENTERIAN WILAYAH PERSEKUTUAN

Aras G-7, Blok 2, Menara Seri Wilayah, Presint 2, 62100 Putrajaya

Tel: 03-8889 7888 Faks: 03-8889 7957

Laman web: www.kwp.gov.my

SIARAN MEDIA

UNTUK LIPUTAN MEDIA MASSA

PROGRAM MOTIVASI & CSR PELAJAR TAHUN 6 WILAYAH PERSEKUTUAN PUTRAJAYA PEMANGKIN MODAL INSAN BERKUALITI

PUTRAJAYA, 17 Februari 2016 – Datin Seri Utama Datuk Anggraini Sentiayaki, Isteri YB Menteri Wilayah Persekutuan menyempurnakan Majlis Perasmian Program Motivasi & CSR Pelajar Tahun 6 WP Putrajaya di Dewan Serbaguna Menara Seri Wilayah pagi ini. Program ini dianjurkan oleh Kementerian Wilayah Persekutuan (KWP) dengan kerjasama Jabatan Pendidikan Wilayah Persekutuan Putrajaya serta Biro Pendidikan UMNO Putrajaya sempena sambutan Hari Wilayah Persekutuan 2016.

2. Program ini bertujuan untuk meningkatkan jati diri khususnya kepada para pelajar di peringkat sekolah rendah lagi. Malah program ini juga dapat meningkatkan motivasi pelajar untuk kecemerlangan diri dan meningkatkan daya kepimpinan murid bagi membentuk sahsiah diri ke arah pembangunan modal insan yang berkualiti kepada negara. Selain itu, program ini dapat mempertingkatkan kesedaran mengenai peranan sebagai seorang pelajar dalam menghadapi peperiksaan yang bertujuan memberi kesedaran kepentingan ilmu untuk mencapai kejayaan pada masa depan. Oleh itu pelajar-pelajar yang telah diberi motivasi akan mempunyai keyakinan diri serta kesungguhan untuk belajar ke tahap yang lebih tinggi.

3. Program ini akan dapat membantu membina minda di kalangan pelajar supaya boleh menggunakan daya fikiran yang lebih kreatif dan inovatif bagi meningkatkan lagi produktiviti dalam mencari penyelesaian disamping penerapan nilai-nilai murni di

kalangan generasi muda khususnya dikalangan pelajar-pelajar tahun 6 dari seluruh Putrajaya dalam merealisasikan bakal-bakal pemimpin muda negara yang mampu menerajui pembangunan Malaysia ke arah negara maju.

4. Program ini akan diadakan bermula dari 17 hingga 19 Februari 2016 sebanyak tiga (3) siri melibatkan hampir 2,000 orang pelajar daripada 11 buah sekolah rendah di WP Putrajaya. Terdapat enam (6) komponen utama iaitu aspek kemahiran kepimpinan diri, aspek pengurusan masa, aspek kemahiran komunikasi, aspek kerohanian, aspek keyakinan diri dan aspek konsep kendiri dalam pengisian program motivasi ini. Di samping itu pemberian *goodies bag* secara percuma kepada pelajar tahun 6 yang menyertai program motivasi ini adalah salah satu inisiatif *Corporate Social Responsibility* (CSR) KWP kepada masyarakat.

5. Diharapkan pelaksanaan program ini mampu untuk memberikan impak yang besar dalam usaha membantu Kerajaan untuk meningkatkan motivasi pelajar khususnya pelajar yang berpotensi untuk menjadi pemimpin masa depan demi pembangunan modal insan berkualiti kepada negara. Malah dengan pelaksanaan program seumpama ini usaha penyaluran maklumat mengenai dasar/program kerajaan dapat dilakukan secara meluas dengan idea yang lebih menarik serta berkesan. Selain itu program yang dianjurkan sempena sambutan Hari Wilayah Persekutuan ini dapat menyemai semangat sayang dan rasa cinta kepada Wilayah Persekutuan

Disediakan Oleh:

Bahagian Komunikasi Korporat
Kementerian Wilayah Persekutuan
Putrajaya
17 Februari 2016